

## Convocatoria do 12 de maio de 2022, da Universidade de Santiago de Compostela, pola que se establecen as bases reguladoras e se convocan axudas para o uso das infraestruturas de investigación 2022.

### 1.- OBXECTO DA CONVOCATORIA

A convocatoria ten por obxecto facilitar o acceso aos servizos de uso xeral dependentes da Vicerreitoría de Política Científica, tanto nas Unidades da Área de Infraestruturas de Investigación como na Rede de Estacións Biolóxicas (REBUSC), a aqueles grupos de investigación que manteñan unha actividade investigadora acreditada e non dispoñan de financiamento na actualidade.

### 2.-BENEFICIARIOS

Poderán solicitar estas axudas os IPs da USC que figuren no Catálogo de grupos de investigación da Universidade de Santiago de Compostela na data de publicación desta convocatoria.

### 3.- REQUISITOS DE PARTICIPACIÓN

- 3.1. Será requisito de participación na presente convocatoria de axudas non ter un financiamento activo derivado de convocatorias competitivas no momento da publicación da presente convocatoria, sexan estas concedidas tanto por organismos ou axencias públicas ou privadas, como de actividades de investigación ao abeiro do establecido no artigo 83 da Lei Orgánica 6/2001 de Universidades, agás para aquelas actividades que se desenvolvan na REBUSC.
- 3.2. Non poderán participar nesta convocatoria os IPs integrados nun grupo de investigación que conte con financiamento activo nas convocatorias de consolidación da Xunta de Galicia.
- 3.3. A composición do grupo de investigación que se terá en conta para a avaliación das solicitudes será a existente na data de publicación desta convocatoria.

### 4.- CATEGORÍAS E CONCEPTOS SUBVENCIONABLES

O importe destas axudas irá unicamente destinado a cubrir os custos dos servizos prestados pola Área de Infraestruturas de Investigación da USC e a Rede de Estacións Biolóxicas (REBUSC).



Na REBUSC financiaranse aquelas actividades de investigación que requiran dun uso prolongado da súas instalación ou servizos, independentemente do financiamento do grupo. Valorarase especialmente, proxectos que involucren a estudantes de grao, mestrado ou doutoramento.

## 5.- FINANCIAMENTO

O financiamento da presente convocatoria, por un importe máximo de 20.000 € efectuarase con cargo á aplicación orzamentaria **7039.2710.64100**, do Orzamento da Universidade de Santiago de Compostela de 2022 e estarán cofinanciada no marco do Convenio de colaboración para o desenvolvemento de novas accións de I+D+i entre a Conselleira de Cultura, Educación, e Universidade e a USC para o ano 2022 (Actuación: “Accións Transversais de apoio á I+D – Axudas uso de infraestruturas científicas”).

## 6.-CONTÍA DAS AXUDAS

Ao abeiro do orzamento dispoñible e do número de solicitudes presentadas, o importe das axudas será establecido pola Comisión de selección.

## 7.-PROCEDEMENTO E PRAZO DE PRESENTACIÓN DE SOLICITUDES

As solicitudes, dirixidas á Área de Xestión da Investigación, presentaranse a través do [registro electrónico XACUS](#), da Subárea de Convocatorias e programas de Recursos Humanos.

O prazo de presentación das solicitudes será de **15 días naturais** a contar dende o día seguinte da publicación da presente convocatoria.

Realizada a declaración de interese na plataforma Xacus da Subárea de Convocatorias e RRHH de I+D, deberán achegar os seguintes documentos para avaliar a solicitude.

1. Escrito de motivación da solicitude da axuda que inclúa unha breve descrición do proxecto de investigación que se pretende realizar (1 páxina máximo).
2. Currículo abreviado (CVA) do solicitante.

## 8.-INSTRUCCIÓN DO PROCEDEMENTO

A instrución do procedemento desta convocatoria correspóndelle á Vicerreitoría de Política Científica que realizará de oficio todas as actuacións necesarias para a determinación, coñecemento e comprobación dos datos en virtude dos cales deba resolverse cada solicitude.

Unha vez recibida unha solicitude se a mesma non incorporara toda a información esixida nesta convocatoria requirirase á persoa solicitante para que, no prazo máximo de 5 días hábiles, emende a falta ou acompañe os documentos preceptivos. No caso de non facelo terase por desistido na súa petición

As propostas de financiamento publicaranse na web da Vicerreitoría de Política Científica .

## 9.-COMISIÓN DE SELECCIÓN

A Comisión encargada de seleccionar as solicitudes estará composta por:

**Presidente:** José Antonio Costoya Puente, Director da Área de Infraestruturas de Investigación.

**Secretaria:** María Elvira López Mosquera, Delegada do Reitor para o Campus Terra.

**Vogais:**

- José Manuel Otero Casas, técnico da Área de Infraestruturas de Investigación.
- Xosé Luis Otero Pérez. Coordinador Científico da Rede de Estacións Biolóxicas da USC (REBUSC).

## 10.-PROCEDEMENTO DE RESOLUCIÓN

A Comisión determinará as accións que se financiarán ao abeiro desta convocatoria e, se procede, o montante económico que recibirá cada unha delas. Poderá consultarse no taboleiro electrónico da USC (<https://sede.usc.es/sede/publica/taboleiro/inicio.htm>).

## 11.-LIBRAMENTO DA AXUDA

A execución das distintas axudas consistirán nun consumo interno de servizos prestados pola propia USC ata o umbral máximo que se conceda a cada unha das axudas. Por tanto, debido á singularidade da forma dos gastos que se xerarán (cargos internos) articularase no seu momento o procedemento oportuno para canalizar os distintos consumos e facer un seguimento do mesmo.



### 13.-XUSTIFICACIÓN

Dado que a presente convocatoria está enmarcada nunha actuación financiada por un Convenio coa Secretaría Xeral de Universidades da Consellería de Cultura, Educación e Universidade e que os fondos deste convenio deben ser xustificados, é necesario que o crédito concedido estea totalmente executado con data límite do **30 de novembro de 2022**. A xustificación será realizada de oficio pola Subárea Económica da Área de Xestión de Investigación coa información que os IPs con axudas asignadas entreguen a través dunha pequena memoria (máximo unha páxina) na que se describa o aproveitamento feito ca axuda obtida e, de habelos, os resultado logrados.

### DISPOSICIÓN FINAL

Non axustarse aos termos da convocatoria, o incumprimento dos requisitos nela establecidos, a ocultación de datos, a súa alteración ou calquera manipulación da información solicitada será causa de desestímulo da solicitude presentada.

A presentación de solicitudes implica o coñecemento e a aceptación destas bases.

Por delegación do Reitor  
(RR do 21/04/2022, DOG 26/04/2022)  
O Vicerreitor de Política Científica  
Vicente Pérez Muñuzuri

## Sinatura dixital / Firma digital / Digital signature

**Asinante/Firmante/Signer:** VICENTE PEREZ MUÑUZURI, VICERREITOR DE POLITICA CIENTIFICA,  
UNIVERSIDAD DE SANTIAGO DE COMPOSTELA, 13/05/2022 13:45:17.

**CSV:** 483C-AAF4-4593-8F84